

LICENSED PRODUCT

KODAK Color Scale

二

京報


正接

裕德等接續前稿

合成報房

初八

風陵文庫
文庫 19
F.44
16
早稲田大学図書館



京師

蘇蘇

合政雜覽

光緒二十年十一月初八日

目錄

十一月八日
等處看試卷論
大臣裕
奏
請

大甲蘇 奏 請

諭 旨

目 驗

光緒二十五年十一月二十八日

光緒二十五年十一月二十八日

光緒二十五年十一月二十八日

十一月初八日工部鴻臚寺八旗兩翼值日提督衙門引見十六
名鑾儀衛四名兩翼二十四名 端王因伊子得賞謝恩 徐中堂
等磨看試卷覆命 懷塔布等謝管理處所恩 安察藩司德壽請
訓 文紳謝放淮安關監督恩 記名總兵盧萬德謝恩 禮部奏
請冬至賀表 白見軍機 德壽 文紳

禮

上諭繼祿著補授奉天苑卿欽此
上諭承德著留京當差烏里雅
蘇臺將軍著崇徽補授總管內務府大臣銜
上諭朕欽奉 慈禧端佑康頤昭豫莊誠壽恭欽獻崇熙皇太后懿
旨恭親王奕訢著補授軍機大臣欽此
上諭志銳著賞給副都統
銜作為烏里雅蘇台參贊大臣照例馳驛前往欽此
上諭張聯桂
奏副將呈請從戎等語廣西鎮安協副將王惟清著飭令前往宋慶
軍營聽候差遣欽此

接續前稿

二十一日直抵匪巢劉廷五率党持械出迎手舞足蹈拒
傷勇丁八名兵勇奮力抵格致斃劉廷五劉玉蓮及夥匪
二十名口維時槍炮兼施劉廷五房屋火起燒斃男婦九
名口檢獲十七名奪獲械械多件餘匪逃散嗣經團丁將
李逢春盤獲該州訊供稟報復經委員會同研訊稟奉批
飭將李逢春就地正法劉紹枚等四犯繫梃監禁十年餘

各分別枷杖釋放驗明砍斃燒死者共計二十九人劉姓
僅只劉廷玉劉玉蓮二人格殺身死弟姪妻子均存並無
赤族情事此秀山西陽剿辦匪徒之實在情形也又原奏
內稱王壽松貪暴很戾縱令其子王頌文與門丁許厚齋
招搖勒索加徵津貼勒取紳富錢文收受差規房費李元
臣劉恆源濟生華等皆因案被索賄錢雷春壽楊三徐老
毛傅元張三等皆因無錢賄賂杜屈等語查該員並加徵
津貼勒取民財等事已於查覆給事中吳光奎單內覆陳

差規房費等項該員尚未收受亦據知府王遵文查明取
有典史差役甘結其子王頌文年甫成丁惟性好嬉戲間
或潛出閒遊該員未能覺察禁止以致旁觀疑其縱容實
無與門丁招搖勒索之事並據查李元臣素性好施因祠
宇橋工共捐錢六百千分交紳首承領並未立案劉恆源
堂弟劉袖付殺傷楊據生身死說明將劉袖付擬辦完結
濟生華即王生華因裝運私搵獲案罰銀二百兩克公稟

經臨局批准照辦均無因案行賄情事雷春壽因短價瞞
稅捏詞抵喚獲犯看管因在押患病保調身死楊三即萬
三於黑夜上街值差役楊奎等追趕逃犯致將設磁墊傷
身死該縣驗訊將楊奎等咎責囚禁斷給錢八千文以作
超葺之資徐老毛張三查無案卷亦無其人傅元即傅志
元因與陶夏氏口角被陶夏氏搗傷旋服毒身死該縣以
陶夏氏罪僅擬徒律應收贖重責完結以上各案並非無
干賄賂致有枉屈等情臣等查知縣王壽松首隸州舉學

曾聞所屬團保稟報有傳習邪教聚眾燒殺情事立即分
派兵勇馳往兜拿辦理尚無不合彼時民心驚惶地方擾
亂乘勢進勦奮勇爭先藉以槍砲齊施兵勇之冒功邀賞
痞徒之乘機擾害亦屬漫無約束秀山縣誤被團丁拿獲
無干之人計三十餘名後經說明釋放該被燒燬房屋八
十餘戶均呈控有案如該府所稟不免波及堪憫西陽滋
事之附近地方尚無談被燒燬情事宋學曾聞報並未親

往彼時團兵合擊良莠難分其轟殺致斃亦不無波及之處應請 旨將秀山縣知縣王壽松又於其子潛出閑遊未能覺察禁止萬三傅元兩案並不照例擬辦均有不合應請一併交部議處該二員於甫經剿辦之際倉皇具稟案未審定所稟剿辦情形不無語涉鋪張以致督臣據稟入奏後經查明謀為不軌係屬傳言亦未照叛逆稟辦致與原奏稍有不符應併請 旨將准其保獎之案撤銷至

姚復乾等傳習邪教轟斃燒殺被拿抗拒前據該縣稟請就地正法經督臣批准該犯情罪較劇廷玉為重劉廷玉已經正法秀山距省較遠該員未及奉文交卸適臣等札委重慶府知府王溥文往查申解來省迭加研訊該犯自知身罹重辟多方狡展始終並未承認熬審尚需時日屍親謝山氏供詞亦稍有前後互異之處案內人証不齊秀山程途寬遠險阻往返提傳動需兩月之久查該犯等傳

上

廿年九月
三十日奉
硃批另有
旨覽此

習邪教畫符咒水使人瘋癲跳舞並以殺器燒燬致釀巨
禍是與奏所謂冤枉者固不在姚復乾等而在同時被害
之人未便以案經提省任令狡避已由臣等札飭臬司提
傳審訊俟訊明後詳由督臣奏明辦理秀山縣滋事地方
誤燒房屋應由該督妥籌撫恤以安鄉閭其片奏匪徒搶
劫各節另行附片覆陳所有臣等遵 旨查明專案彙奏
各緣由謹繕摺具奏伏乞 皇上聖鑒謹奏奉 旨已錄